

特56

8

東 京 圖 書 館

和  
書  
門

類 函 架 號 冊

標 記  
增 補

十八史畧

四



明治十九年二月八日丙午省藩付

日本

從五位下岩垣  
彦明校訂標記  
孫大學音博士  
松苗再校增補  
都江東建業故  
曰東晉  
晉書元帝細初  
玄右圖有年繼  
馬後故宣帝深  
忌牛氏遂為三  
楹共一口以貯  
酒焉帝先飲佳  
者而以毒酒鴆  
其將牛金而恭  
王妃夏侯氏竟  
通小吏牛氏而  
生元帝亦有符  
云

立齋先生標題解註音釋十八史略卷之四

東晉

後學 臨川陳殷 音釋

中宗元皇帝名睿瑯琊王伷之孫也宣帝謚生伷伷生觀  
或曰睿母實與瑯琊小吏牛金通而生睿嗣觀為王於惠  
懷為再從兄弟懷帝時睿為安東將軍都督揚州諸軍鎮  
建業睿以王導為謀主每事咨焉睿名論素輕吳人初不  
附導勸用諸名勝顧榮賀循紀瞻等為掾屬撫綏新舊江  
東歸心焉後又得庾亮下壺等百餘人謂之百六掾桓彝  
避亂過江見睿微弱憂之既而見導退謂周顛曰江左有  
管夷吾吾無憂矣諸名士遊宴新亭顛中坐而歎曰風景

王導  
勸用  
名勝  
百六  
掾  
江左  
管夷

西宗已

東晉中宗



補綱目江作山

左傳晉侯觀於軍府見鍾儀問之曰南冠而縶者誰也有司對曰鄭人既獻禁囚也

祖秋

誓清中原

不殊舉目有江河之異因相視流涕導曰當勦力王室共復神州何至作楚囚對泣邪愍帝以睿為左丞相洛陽祖

逃少有太志嘗與劉琨同寢中夜聞鷄聲蹴琨起曰此非惡聲也因起舞及是南渡請兵於睿睿素無北伐之志以

逃為豫州刺史與兵千人不給鎧仗逃渡江中流擊楫而誓曰祖逃不能清中原而復濟者有如此江愍帝又以睿為丞相都督中外諸軍事長安陷睿出師露次移檄北征實不行群臣勸即晉王位明年遂即皇帝位

氏見氏族再從兄弟同曾祖從去聲名論名譽議論名勝有名望者椽屬屬音蜀通鑿榮為軍司猶為內史瞻為軍祭酒綏音雖安也靈音坤上聲百六椽言辟官屬百有六人故曰百六韻魚豈切江左江東也管夷吾喻導共復之

復音伏神州中國逃音汀个聲琨音昆隰子六切蹋也豫州九州之一案全書今河南唐州及其旧治未詳是否

復論

劉琨

音凱甲也伏音長去聲器也揖音接棹也露次野宿曰露次○林曰三代得天下以仁失天下以不仁天下之亡必有仁之過然後失之漢元成哀平之際外戚擅權主柄下移遂為新室所篡光武奮然起於隴畝復天下如及掌何則西漢之君無不仁之過及於民故也及東漢桓靈之主起黨錮之獄以害天下則已陷不仁之過矣由是黃巾賊起董卓繼之而曹操遂以篡漢雖有蜀昭烈諸葛孔明強欲復之而天下莫後之者蓋漢之亡已陷不仁之過也

西晉之世蓋亦光武之世故祖逃以謂晉室之亂非上無德下怨叛也由宗室爭權遂使東秋乘隙今誠能命將出師以復中原郡國豪傑必有望風響應者夫惜乎元帝素無北伐之心雄武之畧不足此所以卒不能經營中原也

○太尉劉琨死初琨與祖逃齊名琨謂人曰常恐祖生先吾著鞭懷愍時為并州刺史琨出軍長史叛降石勒幽州刺史段匹碑時在薊城遣人邀琨琨率眾奔薊與匹碑歃血同盟翼戴晉室有欲襲取薊者遣書請琨為內應書為羅騎所獲而琨實不知也竟為匹碑所縶

音張个聲并州屬山西即太



石勒  
趙公  
封公  
改號  
勒為  
趙  
勒  
後趙  
隆  
趙

綱目。愍帝建興四年。司空長史李弘以并州降

祖逖  
卒

祖逖  
卒

慕容  
公  
遼東

拓跋  
部  
三部

猗盧  
為王

鹿五賄切音顧

屯音駝

原府。并北盈切。長史姓名未詳。碑音低。書為之。為去聲。下同。邏騎游兵。曰邏。音羅。去聲。騎音忌。○漢王劉

聰卒。子祭立。其臣靳準弒而代之。石勒討準。劉曜自立。封

勒為趙公。曜疑勒。自稱趙王。曜亦改號為趙。勒為後趙。音

斤。去聲。○略陽臨渭。氏酋蒲洪。驍勇多權畧。群氏畏服之。

劉聰嘗拜為將軍。不受。在懷帝世。自稱略陽公。至是降于

趙主曜。畧陽縣屬沔州。音就。平。○晉豫州刺史祖逖卒。

初。逖取譙城。進屯雍丘。後趙鎮戍歸逖者甚眾。逖與將士

同甘苦。勸課農桑。撫納新附。帝以戴淵為將軍。來督諸軍

事。逖以己剪荆棘。收河南地。而淵雍容。且來統之。意甚

快快。又聞王敦與朝廷構隙。將有內難。知大功不遂。感激

發病。卒。豫州士女若喪父母。○雍丘縣屬汴梁。已音紀。構隙

成也。喪。○鮮卑慕容廆。先是嘗遣使于晉。受帝命。為平州

刺史。至是。以為平州牧。遼東公。○使去聲。平州屬。○初。拓跋

祿官死。猗盧總攝三部。劉琨與猗盧結為兄弟。懷帝時。表

為大單于。封代公。帥部落自雲中入雁門。琨與以陘北之

地。由是益盛。嘗為琨援。大敗劉曜之兵於晉陽。猗盧城。成

樂為北都。平城為南都。愍帝進猗盧爵為王。置官屬。食代

常山二郡。猗盧愛少子。欲立為嗣。而出其長子六脩。使六

脩拜其弟。不從而去。大怒。討之。兵敗而遇弒。猗色之子。普

根。討滅六脩。而自立。尋卒。國人立猗盧弟之子。鬱律。至是

猗色之妻。殺鬱律。而立其子。賀俟鬱律。子什翼犍。在襁褓。

母匿之。袴下。得不殺。○帥音率。雁門郡名。即代州。井陘縣屬

東晉中宗



接袴如字注鑿網目下作中

王敦反

屬河北今真定府出黜同傳音農入聲什音十襁褓音姜保織縷為之以約小兒於背者袴下袴讀如跨

○晉翼戴推心任之敦總征討導專機政群從子弟布列顯要

時人語曰王與馬共天下敦先領揚州刺史都督征討諸

軍進為鎮東大將軍都督江揚荆湘交廣六州諸軍事江

州刺史尋領荆州恃功驕恣帝畏惡之乃引劉隗刁協為

腹心稍抑損王氏權導亦漸見疎外敦叅軍錢鳳等凶狡

知敦有異志陰為畫策至是敦遂舉兵武昌以誅劉隗刁

協為名隗協勸帝盡誅王氏帝不許導率宗族每且詣臺

待罪周顛將入導呼之曰伯仁以百口累卿顛不顧入見

帝言導忠誠申救甚至帝納其言顛醉而出導又呼顛不

抑損王氏

王敦

王敦

王敦

周顛

王敦

王敦

王敦

王敦

王敦

王敦

王敦

王敦

王敦

王敦

王敦不為盛德事

論語泰伯篇曾子曰可以託六尺之孤可以寄百里之命

與言顧左右曰今年殺諸賊奴取金印如斗大繫肘後既

出又上表明導無罪導不知恨之帝召見導導誓首曰亂

臣賊子何代無之不意今者近出臣族帝跪而執其手曰

茂弘方寄卿以百里之命以為前鋒大都督敦至石頭城

擣之曰吾不復得為盛德事矣協隗等分道出戰大敗而

還帝令百官詣石頭見敦敦殺周顛導不救後料檢中書

故事見顛表執之流涕曰吾雖不殺伯仁伯仁由我而死

幽冥之間負此良友敦不朝而去還武昌

馬晉姓江屬江西今九江府湘屬湖南即長沙郡交在南

也陰為之為去聲臺御史之府曰臺將入之將音漿呼去

聲下同伯仁顛字累卿丁家百口託在救鮮見音現下同

子論語集註吾不復云云謂難掩無君之跡也令去聲冥



左傳辟如捕鹿者晉人角之諸戎持之

音銘暗也○胡曰王敦之視元帝甚輕何也○正猶項羽謂懷王吾家所立耳加以西晉諸侯動輒與兵敦日擊習熟以為常事也使敦回悖逆之心立忠義之節以其資力有事中與祖逖之徒掎角進取必可克復舊物迎帝北歸魏魏之功孰得與並不此之慮乃甘心為叛其亦不善擇術矣且有君而侮脅之我獨無臣子將佐部曲乎以我事君訓彼事我帝憂憤成疾而崩在位六年改元者三日建武大興永昌太子立是為肅宗明皇帝

肅宗明皇帝名紹幼而聰慧嘗有使者從長安來元帝問紹曰長安近歟日近紹曰長安近但聞人從長安來不聞人從日邊來元帝奇其對一日與群臣語及之復以問紹曰日近元帝愕然曰何異問者之言邪紹曰舉頭見日不見長安元帝益奇之及長仁孝喜文辭善武藝好賢禮士受規諫與庾亮溫嶠等為布衣之交敦在石頭以其有

好賢

綱目王敦大會百官問溫嶠曰皇太子以何德稱聲色俱厲嶠曰鈞深致遠蓋非淺局所量以禮觀之可謂孝矣衆皆以為信然敦謀遂沮

敦斬

郭璞

大為

敦斬

勇畧欲誣以不孝而廢之賴嶠等衆論沮其謀至是即位

敦謀篡位移屯姑熟自領揚州牧愕音鄂驚駭間音間往呂切止也姑熟郡屬江東今太平府○以王導為司徒加大都督督諸軍討

敦敦復反發兵而病使郭璞筮之璞曰明公起事禍必不久敦大怒曰卿壽幾何璞曰命盡今日日中敦斬之帝自

出覘敦軍敦晝夢日環其營驚悟曰黃鬚鮮卑兒來邪帝

母鮮卑出也亟遣人追之不及帝帥諸軍出屯南皇堂夜

募壯士渡水掩敦兄王含軍大破之敦聞含敗曰我兄老

婢耳門戶衰世事去矣因作勢起欲自行困之復臥尋卒

敦黨悉平發敦屍斬之有司奏罪王氏兄弟詔曰司徒導

以木義滅親將十世宥之悉無所問璞音朴覘世廉切窺也鮮卑出也帝母荀

將音殺



左隱四年傳九月衛人使石宰醜殺州吁濮石磻使其宰孺羊肩滋殺石厚干陳君子曰石磻純臣也惡州吁而厚與焉木義滅親其是之謂乎

陶侃

又襄二十一年傳夫謀而鮮過惠訓不倦者叔向有焉社稷之固也猶將十世宥之以勸能者正會正月元日又曰元會

氏燕人故帝類外氏而黃鬚出之為言生也帥音率南皇堂在江寧縣北之賈也十世宥春秋傳曰社稷之固也將十世宥之宥音右寬也○以陶侃都督荆湘等州諸軍事侃少孤貧孝廉范逵過之侃母湛氏截髮賣為酒食逵薦侃遂知名初為荊州都督劉弘所用討義陽叛蠻張昌又討破江東叛將陳敏又擊破湘州劇賊杜弢自江夏太守為荊州刺史王敦疾之左遷廣州刺史侃在州朝運百甓於齋外暮運於齋內人問其故荅曰吾方致力中原故習勞耳至是復鎮荊州士女相慶侃性聰敏恭勤嘗曰大禹聖人乃惜寸陰衆人當惜分陰取諸叅佐酒器捕博具悉投於江曰擣菹者牧猪奴戲耳嘗造船籍竹頭木屑而掌之後正會雪霽地濕以木屑布地及後有征蜀之師得侃竹頭作釘

裝船其綜理微密類此

侃音看上聲達音葵孝廉達初舉州劇音繁入聲強也強音切江夏郡名即武昌左遷通鑿注左手足不如右強左迂者敗下也覽音並入聲瓶也分陰一離一合之間擣菹賭具或曰即雙陸也擣音竹平聲菹音蒲籍簿籍冊也記其數也正當作至霽晴也釘音丁○帝崩在位三年改元者

一曰太寧太子立是為顯宗成皇帝

顯宗成皇帝名衍母庾氏五歲即位司徒導與帝舅中書

令庾亮輔政太后臨朝○歷陽內史蘇峻反峻前守臨淮

於王敦再犯闕時入衛有功威望漸著及在歷陽卒銳器

精志輕朝廷招納亡命庾亮修石頭城以備之建請徵峻

為大司農峻舉兵陷姑孰尚書令卞壺督軍與峻力戰死

二子隨之亦赴敵死母撫其屍曰父為忠臣子為孝子何

晉書卞壺傳曰群臣進壺王道以疾不至卞壺正色於朝曰王公非社稷之臣也木行在殯嗣皇未立豈不臣辭疾之時邪導聞之真疾而至

下氏忠孝



陶侃討之 石勒大破趙兵

溫嶠卒

石勒稱帝

論人 勅未

陶侃威名赫然

蜀漢延熹二年春正月魏主曹叡殂太子芳立幼大將軍曹爽尚書何晏專朝政太傅司馬懿殺爽晏等夷其族而擅魏政懿死具子師廢芳迎立高貴鄉公髦師死弟昭弒髦立奕昭子炎遂迫奕受禪是為晉世祖武皇帝

恨庾亮出奔峻兵犯闕陶侃溫嶠入討峻斬之歷陽郡屬淮西今和州臨淮府屬淮東○後趙主石勒大破趙兵獲趙主劉曜

曜與勒連攻戰互勝負曜攻後趙金墉城勒自將救之大

戰于洛陽趙兵大潰曜醉墮馬為勒獲歸殺之前趙亡金墉城在洛陽西北為去聲前趙亡右趙劉淵自惠帝永興元年僭號為漢為趙至是四世今三十七年○晉驃

騎將軍溫嶠卒嶠初為劉琨所遣使江東母不欲嶠絕裾

而去既至不復得歸北終身以為恨嶠盡心晉室敦峻之

平皆嶠力初為之為去聲敦峻○後趙石勒稱天王尋稱帝嘗

大饗群臣問曰朕可方古何主或曰過於漢高勒笑曰人

豈不自知卿言太過若遇高帝當北面事之與韓彭比肩

耳若遇光武當並驅中原未知鹿死誰手大丈夫行事當

礪礪落落如日月皎然終不效曹孟德司馬仲達欺人孤

兒寡婦狐媚以取天下也韓彭韓信彭越比並也礪音雷

晉宣帝○胡曰石季龍謂人豈不自知信矣而未知人

之不易也光武之於漢高猶武王之於文王也勒謂遇漢

高即與韓彭比肩遇光武則當並驅中原是以光武為韓

彭之流豈知光武者哉漢高開四百年基業身後之慮付

之子已不自保徐光乃謂神武謀畧過於漢高主有侈心臣

進諛說其不能勒雖不學好使人讀書而聽之時以其意

論得失聞者悅服嘗聽讀漢書至酈食其勸立六國後驚

曰此法當失何以遂得天下及聞張良諫乃曰賴有此耳

後遣使修好于晉晉焚其幣勒卒子弘立好去聲下同漢書班固所著使

○晉大尉陶侃卒侃都督八州威名赫然或謂侃嘗夢生八翼上天門至八重折左翼而下力能跋扈每思折翼



之夢輒自制在軍四十一年明毅善斷人不能欺自南陵

至白帝數千里路不拾遺八州荃蹄明帝時督荆湘雍梁成帝時督交廣荆江赫然明盛

自上聲重平聲折音舌斷音端去聲南陵郡屬江東今寧國府白帝城在夔州○後趙石虎殺

其生弘而自立為趙天王殺勅種無遺種上○成改國號

曰漢李雄以兄子班為太子雄卒班立雄子越弒班而立

其弟期期忌雄弟漢王壽威名使出屯于外壽還襲弒期

而自立○代王什翼捷立先是代王賀偃卒弟紇那嗣紇

那出奔鬱律子翳槐立紇那復還翳槐奔趙趙納翳槐于

代翳槐臨卒命諸大人立弟什翼捷自猗廬死國多內難

部落離散什翼捷雄勇有智略能脩祖業始制百官號令

明白政事清簡百姓安之於是東自濊貊西及破落那南

石虎殺王自立

代什翼捷始制百官

○濊音穢

距陰山北盡沙漠率皆歸服有衆數十萬人拓跋氏自是

愈大大人荃蹄云即長也難去聲濊貊高麗種地在朝鮮

○晉丞相王道卒初帝即位冲幼每見導必拜既冠猶然

委政於導導以門地王述為掾述未知名人謂之痴既見

問江東米價述張目不答導曰王掾不痴導每發言一坐

莫不贊歎述正色曰人非堯舜何得每事盡善導改容謝

之導性寬厚所委任諸將多不奉法大臣患之庾亮欲起

兵廢導或勸導密備導曰吾與元規休戚是同元規若來

吾便角巾歸第復何懼哉亮雖居外鎮而遙執朝權據上

流擁強兵趨勢者多歸之導內不能平嘗遇西風塵起舉

扇自蔽徐曰元規塵汚人導簡素寡欲善因事就功雖無

王掾不痴



輔相三世不重帛

綱目集覽曰泥首以物蒙頭如罪人之狀而請

東亮請不聽

封慕容王為燕

日用之益而歲計有餘輔相三世倉無儲穀衣不重帛貫門地門闕地位辟音壁下同既見之見音現元規亮字

汚音烏去聲穢也歲計有餘以每日治效論之似無益以每歲治效計之則有餘三○晉司空庾亮卒初蘇峻之亂

亮激之也峻平亮泥首謝罪求外鎮自效後都督江荆等

州諸軍事辟殷浩參軍浩與褚裒皆識度清遠善談老易

擅名江東而浩尤為風流所宗亮欲開復中原上疏請率

大衆移鎮石城遣諸軍羅布江沔為伐趙之規蔡謨曰不

能以大江禦蘓峻安能以沔水禦石虎乃詔亮不聽移鎮

至是卒于武昌泥首筮蹄云囚首也褚音措上聲裒音剖

伏上上聲石城在沔陽沔音免漢上流曰沔○晉封慕容皝為燕王自皝父為

遼東公立皝為世子雄毅多權畧喜經術庾亮卒皝立其下

勸稱玉璽使請于晉遂封之使去聲○帝在位十八年頗有

勤儉之德改元者二曰咸和咸康崩二子丕爽在襁褓帝

母弟瑯琊王立是為康皇帝母弟同

康皇帝名嶽成帝臨崩以嶽為嗣遂即位○都督荆江等

州軍事庾翼為人慷慨喜功名不尚浮華殷浩才名冠世

翼弗之重曰此輩宜束之高閣俟天下太平徐議其任耳

時人擬浩管葛伺其出處以卜興亡曰淵源不出當如蒼

生何翼請浩為司馬不應翼以王夷甫嘲之瑯琊內史桓

溫豪爽有風采翼嘗薦之曰英雄之才宜委以方召之任

至是翼以滅胡取蜀為己任欲悉衆北伐移鎮襄陽詔翼

都督征討諸軍翼以溫為前鋒督翼亮弟冠音貫管葛以

英雄之才

殷浩才名冠世

帝有勤儉之德



會稽王昱輔政

本傳翼如廁見一物如方相俄而疽發背疾篤表第二子爰之行輔國將軍荆州刺史

拜表即行通鑿註謂拜上表不及聞詔命而遂行也

石虎稱帝

桓溫伐漢

○漢主李壽卒子勢立○帝在位三年崩改元者一曰建元太子立是為孝宗穆皇帝建元即位二十年改元○庾翼卒以桓溫都督荆梁等州軍事翼初表其子領荊州何充曰荆楚國之西門豈可以白面少年當之桓溫英略過人西任無出溫者丹陽尹劉惔知溫有不臣之志謂昱曰溫不可使居形勝地昱不聽竟以溫代翼西任西夏之任丹陽郡名即建業又曰建康○漢主李勢驕淫不恤國事桓溫帥師伐漢拜表即行進至成都勢降送建康漢亡帥音率降音項平聲漢亡右漢李雄自惠帝永興元年僭號為成漢至是五年合四十四年○燕王慕容皝卒子雋立○趙天王石

褚表趙請

張重華稱涼王

枋音方梓也

虎稱帝尋卒子世立其兄遵弑之而自立趙亂晉征討都督褚裒表請伐趙朝野以為中原指期可復蔡謨獨以為莫若度德量力經營分表恐憂及朝廷裒遣將果敗沒伏度音堂入聲分表聲蹄云分限之外也○趙蒲洪遣使降晉洪事趙累世至是石閔言於趙主遵曰蒲洪人傑也今鎮關中恐秦雍非國家有遵罷洪都督洪怒歸枋頭遂通于晉枋頭通鑿注曹操於淇水下大枋木以過淇水東入白溝以通漕運因号其處曰枋頭峯蹄云在汲郡今衛輝府也○涼州張重華自稱涼王初惠帝之世張軌為涼州刺史威著西土懷帝陷沒軌遣兵助愍帝於長安帝以軌為涼州牧西平公軌卒子寔立寔為妖賊所殺弟茂立趙主劉曜擊茂茂降趙茂卒寔之子駿立茂臨終語駿必奉晉



石閔 石盡殺 石魏

蒲洪 改稱 符健 稱帝

燕王 稱帝

姚襄 稱帝

襁織縷為之以約小兒於背者

不可失駿雖復臣於後趙石勒耻之成帝時假道於蜀以通晉駿卒子重華立晉遣使仍拜西平公重華自為王重

石閔又幽鑑殺之而自立改國號曰魏殺虎二十八孫盡聲著音猪去聲為妖之為○後趙石鑑弒其主尊而自立去聲語去聲使去聲下同

滅石氏三十八孫名字未詳滅石氏右後趙石勒自閔姓成帝咸和三年僭号至是六世合二十二年冉為石氏所養至是復其姓後為燕所破執而殺之為去聲下

並同復音伏○蒲洪自稱三秦王改姓苻洪先擒趙將麻秋不殺而用其言因宴為秋所鴆子健斬秋代領洪眾健入長

安自稱秦天王已而稱帝三秦王以其地乃秦降將二十人所封之域改姓苻以識文有草遂改姓苻說○燕王雋稱帝○趙姚襄歸晉而復叛襄父

弋仲南安赤亭羌酋也懷帝末戎夏襁負隨之者數萬自

殷浩 北伐 無功

桓溫 請廢 殷浩

按綱目浩之北伐也王羲之以書止之不聽既而無功復謀再舉羲之遺浩書曰今以區區江左天下寒心固已久矣力爭武功非當作

字景岫岫驚怪聲也

西示已自

稱扶風公其後服於前趙劉曜又事後趙石勒石虎甚重之以為冠軍大將軍虎死趙亂至冉閔滅趙弋仲遣使降晉弋仲卒襄率其眾來晉詔襄屯譙城後屯歷陽揚豫州都督殷浩在壽春惡襄強盛遣將襲之為襄所斬先是朝廷聞中原大亂復謀進取浩受任連年北伐無功至是率諸軍再舉襄伏甲邀之浩至山桑襄縱擊浩大敗走安南

即屬鞏昌今鞏昌府赤亭水出源道縣東山赤谷西流源道城北北南入于澗音貫為襄之為去聲山桑鞏蹄云魏郡○涼張重華卒子曜靈立其下廢之而立張祚重華弟

○晉桓溫因殷浩之敗請廢浩免為庶人朝廷初以浩抗溫浩廢自此内外大權一歸溫矣浩雖愁怨不形辭色嘗

書空作咄咄怪事字久之郝超勸溫處浩令僕以書告之



○函音感

浩欣然答書慮有誤開閉十數竟達空函温大怒遂絕卒

於謫所書空望空書寫咄音敦个聲河也郁音痴處音杵

以空函答之令僕以浩為尚書令僕射之職數上聲竟達空函終

灞上秦主苻健閉長安小城自守三輔皆來降温撫諭居

民使安堵民爭持牛酒迎勞男女夾路觀之耆老有垂泣

者曰不圖今日復覩官軍北海王猛字景略倜儻有大志

隱居華陰聞温入關被褐謁之捫虱而談當世之務旁若

無人温異之問猛曰吾奉命除殘賊而三秦豪傑未有至

者何也猛曰公不遠數千里深入敵境今長安咫尺而不

度灞水百姓未知公心所以不至温默然無以應温與秦

兵戰于白鹿原不利秦人清野温軍之食欲與猛俱還猛

桓温大敗秦三輔

王猛

初温指秦麥以  
為糧既而秦人  
悉刈麥

北魏襄  
許昌

符堅  
王猛  
如舊

○注降下  
脫項字

神州陸游謂中  
原沉淪也猶手  
道陵夷之義  
平乘樓木船之  
樓

不就敗音拜藍田縣屬安西平聲勞去聲倜儻倜音汀个聲儻音湯上聲卓異不羈也華陰縣屬華州華去

聲捫音門風音瑟咫音紙八寸曰咫灞水出京兆藍田縣北入于渭白鹿原在永興縣○秦主健卒

子生立○凉張祚淫虐被弑子女親立○姚襄降于燕北

據許昌又攻洛陽桓温督諸軍討襄進至河上與寮屬登

平乘樓北望中原歎曰使神州陸沉百年王夷甫諸人不

得不任其責至伊水襄戰連敗而走温屯金墉謁諸陵置

鎮戍而還襄將西圖關中秦遣兵拒擊斬襄弟萇以眾

降秦陸沉猶乾沒也伊水出南州上洛縣熊耳山至洛陽入洛諸陵而晉墳墓將音漿萇音長○秦苻

堅弑其君生自立為秦天王有薦王猛於堅者下見如舊

自謂如玄德之於孔明一歲中五遷官舉異才修廢職課

農桑恤困窮秦民大悅苻堅生苻雄子○燕主慕容儁卒子暉立

新言增補十八史略卷四



謝安少有名

哀帝

桓温中外諸軍事

王猛伐燕 桓温陰蓄不臣之志

桓温召入輔

標記增補十八史略卷四

暉音

○晋桓温以謝安為征西司馬安少有重名前後徵

辟皆不就士大夫相謂曰安石不出如蒼生何年四十餘

乃出少去聲辟音壁安石安字○帝在位十七年崩改元者二曰永和

升平無嗣成帝子瑯琊王立是為哀皇帝

哀皇帝名丕即位二年而寢疾又下年而崩改元者二曰

隆和興寧第瑯琊王立是為帝奕

帝奕名奕成帝之幼子也既即位以會稽王昱為丞

相○桓温自哀帝時為木司馬都督中外諸軍事錄尚

書事加揚州牧移鎮姑孰以郗超為參軍王珣為主簿入

語曰鬚參軍短主簿能令公喜能令公怒○燕人攻陷洛

陽成將死之温帥師伐燕戰于枋頭木敗而還○燕慕容

蒙求云超鬚珣短故也

聖既擊破晋軍威名日盛燕王忌之垂奔秦○秦王猛督

諸軍伐燕遂圍鄴秦主苻堅入鄴執燕主慕容暉以歸前右

燕慕容皝自成帝咸康三年奉命為王及雋偕号至是三世合三十四年○晋桓温陰蓄不臣

之志嘗撫枕歎曰男子不能流芳百世亦當遺臭萬年欲

先立功還受九錫及枋頭之敗威名頓挫郗超勸温行伊

霍之事以立大威權温遂入朝白太后廢帝在位六年改

元者一曰太和會稽王立是為簡文皇帝遺音惟挫音佐推也伊霍之事

伊尹放太甲霍光廢昌邑

簡文皇帝名昱元帝子也清虛寡欲尤善玄言桓温迎即

位九閱月而不豫急召桓温入輔如諸葛武侯王丞相故

事温望帝臨終禪位否即居攝不副所望時謝安王坦之

補綱目秦王堅聞温廢立謂群臣曰温前敗灊上後敗枋頭不須思愆自貶以謝百姓方更廢君以自說六十之叟舉動如此將何以容於四海乎諺曰怒其室而作色於父温之謂矣

漢平帝元始元年春二月以王莽為太傅号安漢侯五年冬十

東晉哀帝 帝奕簡文 卅三



二月恭弒帝太  
皇太后詔徵宣  
帝孫孫又詔安  
漢公莽居攝踐  
祚

在朝温疑坦之安沮其事心甚銜之帝在位改元者一曰  
咸安太子立是為烈宗孝武皇帝不豫病不快也故事孔  
明王導輔立嗣君坦音  
難上聲銜  
猶恨也

烈宗孝武皇帝名昌明年十歲即位昌明通鑑註  
諱曜字昌明○桓温

來朝詔謝安王坦之迎于新亭都下洶洶云欲誅王謝因

移晉祚坦之甚懼安神色不變温既至百官拜于道側温

大陳兵衛延見朝士坦之流汗沾衣倒執手板安從容就

席謂温曰安聞諸侯有道守在四鄰明公何須壁後置又

邪温笑曰正自不能爾遂命撤之與安笑語移日郝超

卧帳中聽其言風動帳開安笑曰郝生可謂入幕之賓矣

温有疾還姑孰疾篤諷求九錫安坦之故緩其事尋卒洶洶

王坦之倒執手板

温公撤是作

補集覽云從容  
不迫之意

通鑑註朝廷近  
侍之臣曰入幕  
賓

王猛字景畧

凉降于秦

秦分代部

補王猛字景畧

通鑑作恟懼也陳如字見音現  
○秦丞相王猛卒秦主堅

哭之曰天不欲使吾平六合邪何奪吾景畧之速也猛

臨終謂堅曰晉雖僻處江南然正朔相承上下安和臣沒

之後願勿以晉為圖鮮卑西羗我之仇敵終為人患宜漸

除之以安社稷六合上下四方履音杵正音  
征鮮卑慕容氏西羗姚氏○凉降于秦

先是張玄靚之叔父天錫殺玄靚而自立天錫荒于酒色

政亂秦伐之兵至姑臧天錫面縛出送長安姑臧縣屬永  
昌○右前凉

張軌自愨帝建興二十一年僭  
号至是九世合七十六年○代王拓跋什翼犍世子寔早

卒繼嗣未定庶長子遂殺其諸弟併殺什翼犍會秦兵擊

代部衆逃潰國中亂秦主苻堅分代為二部自河以東

屬代南部大人劉庫仁自河以西屬匈奴劉衛辰使統其

南部大人官名



謝安不負

秦分道冠晉

補會編注履屐間言周旋行步間皆得其道也

衆代世子寔之子珪尚幼母賀氏以珪之依賀訥已而依  
 庫仁庫仁奉珪恩勤不以廢與易意遂名也音奏訥奴骨切易音亦  
 晉以秦人強盛為憂詔求良將可鎮禦北方者謝安以兄  
 子玄應詔郝超歎之曰安之明乃能違衆舉親玄才不負  
 所舉吾嘗見其使才雖履履間未嘗不得其任玄鎮廣陵  
 得劉牢之等為參軍戰無不捷號北府兵敵人畏之使去聲  
 音繁秦遣兵分道寇晉陷諸郡執襄陽刺史朱序以歸  
 己而議大舉或謂晉有長江之險堅曰以吾之衆投鞭於  
 江可斷其流時中外皆諫惟慕容垂姚萇欲乘其釁勸之  
 南伐堅遂發長安戍卒六十餘萬騎二十七萬晉以謝石  
 為征討大都督謝玄為前鋒都督督衆八萬拒之劉牢之

草木皆為晉兵

綱鑑註漢時淮南王安與其賓客八公俱登此山學仙故名今山有安故臺石上有不馬跡

慕容垂稱姚萇稱慕容冲稱帝

帥精兵五千趨洛澗直渡水擊秦前鋒梁成斬之石等水  
 陸繼進堅登壽陽城望見晉兵部陣嚴整又望見八公山  
 草木皆以為晉兵憮然有懼色秦兵逼肥水而陣玄使人  
 謂曰移陣小却使我兵得渡以決勝負可乎堅欲聽晉兵  
 半渡盛之麾兵使却秦兵退不可復止朱序在陣後呼曰  
 秦兵敗矣遂潰玄等乘勝追擊秦兵大敗走者聞風聲鶴  
 唳皆以為晉兵至堅狼狽還長安襄陽郡屬河南即南陽  
南府新安縣白石山東南入洛壽陽郡屬淮南今安豐府  
八公山在壽春北音武朱意狼肥水出信陽軍丙方山  
東北入淮慶子六  
 切迫也呼去聲 ○慕容垂叛秦起於河内自稱燕王 ○  
 姚萇叛秦起於北地自稱秦主是為後秦北地郡屬陝 ○  
 慕容冲叛秦起兵平陽稱帝是為西燕攻長安秦主苻堅











諸部士馬繁盛雄於北方其地西至焉耆東接朝鮮南臨

大漠柔然高車赤狄種焉耆音烟其國在西域朝鮮音潮仙大漠代北之地羈屬羈縻也屬音燭○晉盜孫

恩數為劉裕等所敗赴海死其黨盧循徐道覆復起音

雄豪自處嘗守義興歎曰父為九州伯兒為五湖長棄官

歸國後為江州刺史尋都督荆江等八州軍事據江陵至

是舉兵入建康殺元顯又殺道子玄為相國封楚王加九

錫己而迫帝禪位劉裕起兵於京口討玄與玄兵戰大破

之玄出走斬首於江陵帝復位劉裕鎮京口南郡即江陵才地才能門

荆湘雍秦梁益寧又固求江州遂督八州地處音杆義興縣屬常州五湖在烏程縣界周禮注湖方

京口郡屬江浙今鎮江府之音張上聲八州軍事筌蹄云先都督

叛秦據朔方自稱大夏天王勃勃故匈奴劉衛辰之子也

赫連赫連氏勃勃名冒頓二十一世孫也○晉伐南燕先是南燕主慕容德卒兄

子超立侵畧晉邊劉裕抗表伐之抗手舉○北燕為其臣

馮跋所滅先是北燕主盛為其下所弑叔父熙立跋得罪

於熙弑之而立熙之養子高雲未幾又弑雲而自立為去聲下

並同幾如字北燕右後燕慕容垂自孝武太元八年僭號至是五世合二十七年○魏王殺人之

夫而納其妻與之生子紹克狼無賴弑珪齊王嗣殺紹而

立珪謚道武皇帝廟號烈祖其妻賀太后妹狼音痕上聲

武長子道○晉劉裕拔廣固執慕容超送建康斬之南燕亡

右南燕慕容德自安帝隆安二年僭號至是二世合十三年

○盧循乘劉裕北伐出自

東晉安帝

燕拔南

魏帝

赫連

赫連



番禺直下襲建康劉裕被徵急還諸軍力戰循乃退裕追破之循走交州為刺史所敗斬首送建康番禺音幡思郡名即廣州走音○西秦乞伏韓歸為其下所弒子熾盤立○

西秦南涼

弟儻立至是為乞伏熾盤所襲以儻歸殺之南涼亡右南涼乞伏烏孤自安帝隆安元年僭號至是三世合十八年○後秦主姚興卒子泓立

晉大尉劉裕伐之襲彭城由洛陽道武關潼關入長安泓敗出降送建康斬之後秦亡泓烏弘切潼關在華陰縣後秦亡右後秦姚萇自孝武太

元九年僭號至是三世合二十四年○夏王勃勃聞裕伐秦曰裕必取關中然不能久留若以子弟諸將守之吾取之如拾芥耳至是三秦父老聞裕將還詣門流涕曰殘民不霑王化於今百

年始觀衣冠人人相賀公捨此欲何之乎裕還彭城勃勃陷長安稱帝歸統萬將還之將音漿統萬城在夏州勃勃都也○晉以裕為相

國宋公加九錫裕以讖云昌明之後尚有二帝乃使人縊晉帝弒之帝在位二十三年改元者二曰隆安義熙義熙元年至十四年則劉裕為政之日也弟瑯琊王立是為恭

皇帝使人王韶之隆安即位二年改元恭皇帝名德文即位之明年劉裕進爵為宋王自彭城移鎮壽陽又明年裕還建康帝在位改元者一曰元熙禪位於裕已而被弒東晉自元皇帝至是凡十一世一百四年

西晉東晉通一百五十六年而亡司馬溫公曰晉室既衰中原雲擾戎狄腥羶之氣薰于華岱宮闕蕪沒陵廟墮焚元帝以宗室疎屬遜居江表天下士民有思晉室者皆裹糧而歸之於荆揚之

三秦父老

劉裕

西秦南涼

始觀衣冠

勃勃勃

劉裕為相

劉裕進爵為宋王

論東晉承絕不

歸一作都

劉裕弒晉主

劉裕弒晉主

西晉東晉通一百五十六年而亡

東晉恭帝



間。子孫相承不絕如綫。獨明帝英武克清木慾不幸享國。不永自餘孱弱孤危外陵內叛寄命於虎狼之口。幾遇吞食者數矣卒能保其位。宗廟中食百有餘年。何哉。有王導下壺温嶠陶侃謝安謝玄為之。臣也。群賢既沒而道子元顯之徒輔之。敗亡不亦宜乎。

南北朝

南朝自晉以傳之。宋。宋傳之。齊。齊傳之。梁。梁傳之。陳。北朝自諸國併於魏。魏後分為西魏。東魏。東魏傳之。北齊。西魏傳之。後周。後周併北齊而傳之。隋。隋滅陳。然後南北混為一。今以南為提頭而附北於其間。隋音隨

宋

宋高祖武皇帝。姓劉氏。名裕。彭城人也。相傳為漢楚元王交之後。裕生而母死。父僑居京口。將棄之。從母救而乳之。

等故不死

胡曰高祖御軍戰伐尚威力任機數非長者之道獨孝於後母清簡寡欲嚴正有度被服布素遊宴掃壇御少不畜私藏及詔幼主當朝母后不得預政此八者入君之要行也

及長勇健有太志。僅識字。小字寄奴。嘗行遇大蛇。擊傷之。

後至其所。見有群兒。擣藥。裕問何為。答曰。吾王為劉寄奴。

所傷。裕曰。何不殺之。兒曰。寄奴王者不死。裕叱之。即散。不

見。初參劉牢之軍事。嘗遣覘賊。遇賊數千人。裕奮長刀。獨

驅之。眾軍因乘勢進擊。大破之。裕由是知名。其後為將。相

二十餘年。誅桓玄。平孫恩。盧循。滅南燕。後秦。卒受晉禪。交

後。世紀。交。十一。六。世。生。清。清。生。翽。翽。生。裕。僑。居。寓。居。曰。僑。將。棄。之。將。音。漿。從。母。母。姊。妹。也。從。去。聲。僿。僿。終。也。蛇。同。為。劉。

之。為。○西涼李暠卒。謚曰武昭王。子歆立。數年至。是。為。北

涼。沮渠蒙遜誘與戰。殺之。西涼亡。歆。世。紀。作。欲。為。去。聲。西。涼。右。西。涼。李。暠。自。晉。

安帝隆安三年。僭号。是。二。世。合。二。十。一。年。○宋主在位三年。改元者一。曰。永

初。殂。太子立。是。為。廢帝。榮陽王。廢。帝。亦。曰。



魏主

陶潛

廢帝榮陽王名義符年十七即位居喪無禮遊戲無度○

魏主嗣殂諡明元皇帝廟號太宗子肅立肅音導○宋主在

位三年改元者一曰景平徐羨之傅亮謝晦廢而弑之宜

都王立是為太宗文皇帝宜都邑屬峽州

文皇帝名義隆素有令望少帝廢迎入即位義隆武帝第三子○

夏主勃勃殂子昌立○晉徵士陶潛卒潛字淵明潯陽人

侃之曾孫也少有高趣嘗為彭澤令八十日郡督郵至吏

曰應束帶見之潛歎曰我豈能為五斗米折腰向鄉里小

兒即日解印綬去賦歸去來辭著五柳先生傳徵不就自

以先世為晉臣自宋高祖王業漸隆不復肯仕至是終世

號靖節先生晉徵士書晉徵士者以其不屈節於宋也潯陽郡名即江州彭澤縣屬九江應音膺當也

為五之為去聲五斗米筭蹄云月俸折如字○魏數與夏

戰至是執其主昌以歸數音朔○夏赫連定稱帝於平涼屬

弟弘立○西秦主乞伏熾盤卒子暮木立○北燕馮跋殂屬

仁自晉孝武帝太元十七年乞伏國定又擊北涼欲奪其地吐谷

渾襲其軍執定送魏夏亡吐谷渾者慕容氏之別種也音谷

欲渾音菴夏山右夏赫連勃勃自晉安帝音義熙四年僭号至是三年合二十四年○北涼沮渠蒙

遜卒子牧犍立○宋謝靈運以罪誅靈運好為山澤之遊

從者數百人伐木開徑百姓驚擾或表其有異志為臨川

內史有司糾之被収靈運與兵逃逸作詩曰韓亡子房奮

秦帝魯連耻追討擒之徙廣州已而棄市徙去聲臨川郡屬江西今撫州

西示已魯甫

魏執

夏主

赫連

吐谷

渾代

謝靈

運以

罪誅

秦帝

魯連



北燕

按綱目魏主常使高允授太子

經允與崔浩共撰國記及浩被

誤太子入言高允小心慎密且

制由崔浩請赦其死魏主問曰

國書皆浩所為乎允對曰先帝

記及今記臣與浩共為之然浩

所領事多總裁而已至於著述

臣多於浩魏主怒曰允罪甚於

浩何以得生太子懼曰天威嚴

重允小臣迷亂失次耳魏主又

問允對曰臣罪當滅族不取辱

臣

府子房奮事見二卷魯連耻初魏伐燕馮弘奔高張  
國欲尊秦為帝號魯仲連耻之  
而被殺燕亡高麗國在遼東音齊燕亡右北燕馮跋自  
年晉安帝義熙六年僭号至是二世合二十八  
帝隆安五年僭号至是二世合三十四年

○魏伐涼姑臧潰收捷降後被殺北凉亡右北凉沮渠蒙遜自晉安

為謀臣輒有功信道士寂謙之勸魏主崇奉立天師道場

而最惡佛法誅沙門毀佛像佛書魏主命浩修國史書先

世事皆詳實刊石立之衢路北人忿恚譖浩暴揚國惡魏

帝大怒遂案誅之夷其族最惡之惡音烏去聲沙門僧也

去欲而歸于無為刊音看平聲刻也○宋魏連年互相侵伐王玄謨勸宋大

舉沉慶之諫曰畊當問奴織當問婢今欲伐國奈何與白

面書生謀之宋竟遣玄謨出師取碣磈進圍滑臺先是魏

主聞宋取河南怒曰我生髮未燥已聞河南是我地今天

時尚熱姑飲戍北歸俟河水合以鐵騎蹂之至冬魏主自

將渡河衆號百萬鞀鼓之聲震天地玄謨懼走魏人追擊

玄謨敗走魏帝引兵南下直至瓜步聲言欲渡江建康震

懼民皆荷擔而立宋主登石頭城北望歎曰檀道濟若在

豈使胡馬至此道濟立功前朝老於用兵先是以讒被戕

目光如炬脫憤投地曰乃壞汝萬里長城既誅魏人聞之

喜曰吳子輩不足復悼至是長驅無能禦者宋人或欲斬

玄謨沈慶之止之曰佛狸威震天下控弦百萬豈玄謨所

能當殺戰將以自弱非計也魏師還殺掠不可勝計丁壯

者斬截頭兒貫梁上盤舞所過赤地春燕歸巢於林木自

不能退既夜纒

人唱呼引之車

不能退既夜纒

宋王

妄殿下哀臣欲

勾其生耳魏主

顧謂太子曰直

哉此人情亦難

而允能為之臨

死不為辭信也

為臣不救君身

也宜特除其罪

以旌之尋用為

中書令魏主常

呼為令公而不

名

按綱目魏主攻

盱眙宋將軍臧

質拒之魏築長

圍運土石填塹

作浮橋於君山

絕水陸道以鈎

繫以鉤城樓城內



元嘉

魏

宋

桶懸辛出截其  
鈎獲之明日又  
以衝車攻城城  
土堅密每至類  
落不過數升魏  
兵死傷萬計尸  
與城平凡攻之  
三旬不拔會軍  
中多疾疫或告  
以建康遣水軍  
自海入淮又敗  
彭城斬其歸路  
二月朔魏主燒  
攻具退支質後  
為江州刺史以  
南郡主義宣茶  
兵及宋主遣兵  
討質抑元景王  
玄謨統諸將擊  
破而誅之  
宋文帝性仁厚  
恭儉勤於為政

宋主即位二十八年間號為小康至夏兵革之後邑里蕭

條元嘉之改哀矣碭城在濟州碭音考平聲破音教滑

承上聲踐也鞞音弊平聲騎上鼓釋名鞞裨也裨助鼓節

也瓜步山在真州荷橋而立待逃竄也荷上聲檀道濟前

司空江州刺史劉湛譖而殺之萬里長城道濟自喻吳子

輩建康吳地故曰吳子佛狸魏帝別號控引也勝音升樂

稍同通俗文曰矛太八尺曰稍盤讀作半平聲

侍宗愛諸東官官屬多坐誅死太子晃以憂卒魏王追悼

不已愛懼弒主後謚曰太武皇帝廟號世祖晃之子濬立

討愛誅之東官太子○宋太子劭巫蠱呪詛事覺宋主擬

廢之劭弒主而自立主在位三十年改元者一曰元嘉武

陵王舉兵誅劭王立是為世祖孝武皇帝呪詛詛音祖去

過失數為上所詰責遂與吳興巫嚴道育共為平蠱瑒王

為上形像埋於會章殿前陳慶乃具以自上上驚即劭

得劭呪詛巫蠱之書

孝武皇帝名駿即位十二年殂改元者二曰孝建曰大明

太子立是為廢帝駿文帝第二子○孝

廢帝名子業即位居喪傲惰無戚容孝武疎忌骨肉多誅

殺至是尤甚○魏帝濬殂謚曰文成皇帝廟號高宗初太

武經營四方國頗虛耗文成嗣以鎮靜懷集中外人心復

安子弘立○宋主畏忌諸父湘東主等幽於殿內楯曳無

復人理恣為不道中外騷然宋人弒之在位二年改元者

一曰景和湘東主立是為太宗明皇帝景和即位

明皇帝名彧即位八年殂改元者一曰泰始自帝之初蕭

道成將兵征討有功尋鎮淮陰叔養豪俊賓客始盛已而

二十八年間四境  
晏然士敦操尚  
鄉耻輕薄江左  
風俗於斯為美

綱目曰宋主為  
人機警勇決學  
問博洽文章華  
敏又善騎射而  
奢欲無度自晉

氏渡江以來宮  
室草創宋興無  
所增改至是始  
大脩宮室土木

被錦繡太子業  
呼宋太子業子  
業曰病人間多

鬼那可往太后  
怒謂侍者取刀

來剖我腹那得

後養叔

成道

諸長帝

魏帝

弘立



生寧馨兒。

楊言增補十八史卷四

為南兖州刺史。至是褚淵薦為右衛將軍。與顧命大臣共掌機事。太子立。是為後廢帝。或文帝第十一子。南兖州宋

承遺命。輔嗣君。曰顧命。廢帝通鑑稱蒼梧王。

後廢帝名昱。明帝無子。昱實嬖人李道兒之子也。明帝子之。殺諸王十五六人。惟恐昱之不立。十歲即位。桂陽王休

範舉兵。反攻建康。蕭道成擊斬之。道成為中領軍。通鑑初

以太子幼弱。深忌諸弟。休仁休若等皆賜死。諸弟俱

畫。惟休範以人才凡劣。不為所忌。得全。桂陽國在連州。

○先是魏獻文帝弘傳位於太子宏。自稱太上皇帝。以宏

幼。仍總萬機。太上聰睿夙成。剛毅有斷。而好黃老。浮屠之

學。故常有遺世之意。其母馮太后有所幸。李奕為太上一所

誅。馮太后怒。遂弑之。而稱制。斷音端。去聲。浮屠。表宏。宋主

魏帝 傳位 於宏

按綱目。宋主昱自京口既平。驕恣尤甚。鍼推鑿。鋸不離左右。下日不殺。則慘然不樂。食息不保。太后數訓戒昱。昱欲酖之。未果。嘗直入領軍府。道成晝臥。裸袒。昱令起。立畫腹為的。引滿將射。

宋帝 驕恣 中外 憂惶

之道成歛。救曰。老臣無罪。乃更以箭射中其臍。投弓大笑。道成憂懼。密與遠。衆褚淵謀廢立。

蕭道成 為 齊公

蕭道成弑宋主

驕恣嗜殺。中外憂惶。蕭道成與袁粲褚淵謀廢立。粲不可。

淵贊之。遂弑之。在位六年。改元者一。曰元徽。安成王立。是

為順皇帝。元徽即位。二十一年改元。

順皇帝名準。桂陽王休範子也。明帝子之。至是即位。○宋

袁粲謀誅蕭道成。褚淵以其謀告道成。粲父子俱被殺於

石頭城。百姓哀之。曰可憐。石頭城寧為袁粲死。不作褚淵

生。沉攸之亦舉兵。江陵討道成。軍潰。走而縊死。道成為相

國。齊公加九錫。已而進爵為王。宋主在位三年。改元者一。

曰昇明。禪于齊。泣而彈指。曰願後身世世勿復生。天王家

齊弑之。而滅其族。自宋高祖至是八世。凡五十九年而止。

寧為之。為如字。○司馬溫公曰。晉氏渡江以來。君弱臣強。禍亂相繼。至于元興。而桓氏篡位。高祖首唱大義。起於草

南北朝後廢帝



按綱目益州參軍譙繼殺其刺史毛璩自稱成都主七年十二月遣益州刺史朱齡石帥師伐蜀九年秋七月朱齡石入成都譙繼走死汎音信灑也

業之間奮臂一呼。凶黨瓦解。遂奉迎。再興王室。厥功已不細矣。既而治兵警衆。經營四方。揚旗東征。廣固橫潰。卷甲南趨。虜猶殄滅。偏師西上。譙縱授首。銳卒北驅。姚泓面縛。汎掃伊洛。脩奉園陵。震驚旃裘之心。族舒華夏之氣。南國之盛。未有過於斯時者也。然區宇未一。躋於天位。委棄秦雍。以資寇敵。大功不成。惜哉。文帝勤於為治。子惠廢民。是為承平之良主。而不量力。橫挑強胡。使師徒殲於河。南。代馬飲於江津。及其末路。狐疑未決。卒成于禍。豈非文有餘而武不足邪。夫以孝武之驕。淫明帝之猜。思得保首領。以沒于牖下。幸矣。其何後嗣之存。

齊

齊太祖高皇帝姓蕭氏名道成蘭陵人也相傳為漢相國

何之後世紀何生則則生彪彪生章章生仰仰生皓皓生望之望之望之生育生紹紹生開開生闡闡生水

生苞苞生周周生蟠蟠生遠遠生休休生豹豹生裔裔裔生整整生雋雋生樂樂子生承承之承之生道成深沈

有大量博學能文肩有赤誌如日月狀宋時在軍中久民

間或言其有異相宋疑之而不能殺也竟代宋性清儉每

自有赤誌

皇叔繼弒二主

曰使我治天下十年當使黃金同土價在位四年殂改元

者一曰建元太子立是為世祖武皇帝誌典病通異相筌蹄龍穎鐘聲鱗文

徧佳洽平聲

武皇帝名曠即位十一年殂改元者一曰永明太子長懋

己卒太孫立是為廢帝鬱林王曠土草切長音張上聲鬱林即屬廣西今郁林州

廢帝鬱林王名昭業即位一年改元曰隆昌而昌侯鬱弒

之新安王立是為廢帝海陵王新安郡屬江東今徽州府海陵郡屬淮東今恭州

廢帝海陵王名昭文為鬱所立改元延興鬱自為宣城王

帝即位未四月廢而弒之宣城王自立是為高宗明皇帝

昭文鬱林王弟為鬱之為去聲宣城郡名即南陵

明皇帝名纘高帝之兄子也高帝愛之過於己子而武帝



魏高祖子孫無遺類

之太子長懋最惡之及得志殺高武子孫無遺類即位五年殂改元者二曰建武永泰太子立是為廢帝東昏侯安貞王已音紀高武高帝武帝

廢帝東昏侯名寶卷自在東宮不好學嬉戲無度既即位

不接朝士惟親信嬖倖屢誅大臣○魏主宏殂在位二十

七年仁孝恭儉制禮作樂蔚然有太平之風禁胡服胡語

改姓元氏遷都洛陽為魏盛德之主謚曰孝文皇帝廟號

高祖太子恪立七當作八元氏詔曰魏之先出於黃帝以

改姓元氏○齊主昏淫狂恣所幸潘妃以金為蓮花帖地上使

步之曰此步步生蓮花也左右用事賊虐日甚太尉陳顯

達先舉兵襲建康敗死將軍崔慧景受命出討叛州還兵

魏改姓元 魏主恪立 齊潘如步蓮花 賢樂善情如饒 湯所與遊接常 寄以布素之意

齊紀魏高好讀書手不釋卷在典據鞍不忘講道善屬文多於馬上口占既成不更一字又好賢樂善情如饒湯所與遊接常寄以布素之意

蕭行 建康 齊人 迎

封 齊 公 王 為

逼建康時南豫州刺史蕭懿將兵在近齊主急召入援慧景敗死以懿為尚書懿弟南雍州刺史衍使人勸懿行伊霍故事不爾亟還歷陽懿不能用竟賜死衍起兵襄陽引而東圍建康齊人弑主而迎衍主在位三年改元者一曰永元時南康王先己自立是為和皇帝帖與貼通南豫州齊改歷陽為南豫州南雍州梁於襄陽置南雍州雍去聲南康府屬江西

和皇帝名寶融東昏末寶融起兵於江陵己而稱帝改元

曰中興未及東歸齊太后稱制以蕭衍為相國封梁公加

九錫尋進爵為王齊主至姑孰詔禪于梁即位僅一年被

弑齊自高帝至是七世凡二十二年而亡寶融明帝第八子一年永元三

年三月即位改元次年四月禪位

蕭衍弑齊主

標記增補

南北齊書卷之八



梁

香蒲  
花生

魏帝  
胡立  
稱制

小補韻會  
矩切  
會瑞魚

梁高祖武皇帝姓蕭氏名衍齊之疎族也母張氏見菖蒲  
 生花旁人皆不見吞之已而生衍英達有文學東昏初衍  
 鎮襄陽知齊將亂乃密修武備聚驍勇以萬數伐材沈檀  
 溪積茆如岡阜兄懿死衍建牙集眾出檀溪竹木裝艦葺  
 之以茆事皆立辨兵起一年餘遂入建康受禪即帝位  
 紀梁與齊同出蕭何二十世孫整整生鐸鐸生嗣子嗣子  
 生道賜道賜生順之順之生衍將亂之將音幾數上聲沈  
 去聲檀溪在襄陽城西岡阜山脊曰岡土山  
 日阜建牙牙門旗竿葺音侵个聲補也修也○魏主恪殂  
 謚曰宣武皇帝廟號世宗子詡立甫六歲母胡氏稱制及  
 魏主既長好遊騁不親視朝而胡后方淫亂魏政始亂將  
 軍張勳之子仲瑀上封事排抑武人喧謗盈路立榜木巷

高歡  
傾賞  
結客

實一作實

討期會集屠其家勳父子不以為意至夏羽林虎賁近千  
 人相率至尚書省詬罵以瓦石擊省門上下懼不敢禁  
 討遂至勳第焚其舍曳勳父子毆擊投火中仲瑀重傷走  
 免勳死遠近震駭胡后収其凶強八人斬之餘不復治大  
 赦以安之懷朔鎮函使高歡至洛陽見張勳之死還家傾  
 貲以結客或問其故歡曰宿衛相率焚大臣之第朝廷懼  
 而不問為政如此事可知矣財物豈可常守邪歡自先世  
 坐法徙北邊遂習鮮卑之俗沉深有太志與侯景等相友  
 善以任俠雄鄉里上方也長音張上聲上封事實封言事  
 其勇也詭音吼去聲怒也懾音涉切八人姓名未詳治平  
 聲懷朔鎮即朔州魏曰懷朔鎮尋改為朔州又更為雲州  
 屬山西使去聲高歡初歡之祖諡坐法徙懷朔  
 鎮世居北邊歡娶婁氏有馬給鎮遂為函使○魏胡太



魏高祖立

魏高祖立

魏高祖立

高祖紀。梁主以顥為魏王。遣陳慶之送之還北。顥遂與慶之進拔榮城。即帝位於睢陽城南。

后臨朝以來。嬖倖用事。政事縱弛。盜賊蠭起。封疆日蹙。魏主詔寢長。太后自知所為不謹。務為雍蔽。母子嫌隙日深。時六州大都督秀容酋長尔朱榮兵強。高歡見榮即勸舉兵。清帝側會魏主。殂胡太后。鳩之也。後謚曰孝明皇帝。尔朱榮舉兵。立孝文之姪長樂王子攸。沉胡后于河。封榮太子。原主還。晋陽北海王顥奔梁。梁之遣將送入洛陽。子攸出奔。尔朱榮渡河來救。顥走。死。子攸歸。加榮天柱大將軍。榮蓄不臣之志。魏主陰謀誅榮。榮入手刺之。尔朱世隆與尔朱兆立宗室長廣王曄。入洛陽。子攸遇弒。後謚曰孝莊皇帝。世隆又以曄疎遠。廢之。立孝文之姪廣陵王恭。高歡起兵誅尔朱氏。入洛陽。廢恭而立孝文之孫平陽王脩。脩

魏分

魏分

魏分

按綱目。梁中大同五年丙寅十一月。東魏高歡悉山東之眾伐魏。至玉壁圍而攻之。晝夜不息。魏韋孝寬墮機拒之。歡起土山鑿地道。種車竿而盡攻擊之術。而城中守禦有餘。苦攻五十日。士卒死者七萬人。歡智力皆困。

弒恭後。謚曰節閔皇帝。高歡為太丞相。建府於晋陽。居之。魏主畏歡。謀伐晋陽。歡擁兵來。魏主奔長安。依關西大都督宇文泰。以泰為太丞相。歡追魏主不及。遂立清河王世子善見於洛陽。遷于鄴。魏自道武至是十二世。丁百四十九年。而分為東魏西魏。長音張。上聲。下同。尔朱榮。尔朱姓。并為秀容部落。之長秀容。縣屬。忻州。樂音洛。子攸。彭城王。顥。子。沈。去聲。顥。魏宗室子。天柱。天文。柱。三公位。曰。天。三。台。六。星。也。手刺。魏帝手刺殺。尔朱兆。榮弟。曄。太武。玄孫。恭。廣陵王。脩。子。脩。廣平主。懷。子。奔長安。世號。西。魏。始。此。清。河。王。孝。文。帝。子。遷。于。鄴。世。號。東。魏。始。此。先是熒惑入南斗。梁主曰。熒惑入南斗。天子下殿。走乃跳下殿。襪之。及聞脩出奔。慙曰。虜亦應天象。邪。脩至長安。踰半年。又與泰有隙。泰鳩之後。謚曰孝武皇帝。孝武既遇弒。泰立南陽王寶炬。歡與泰連年相

西紀

南土



於都街或晝夜 公行剽掠有罪 必命者匿於主 家有司不敢搜 捕上深知其弊 而溺慈愛不能 禁也 按綱目梁太清 二年冬十月梁 臨賀王正德叛 引侯景兵渡江 梁主悉以內外 軍付太子羊侃 為軍師將軍副 之賊至狎迫公 私駭震軍旅指 搗一決於侃侃 膽力俱壯太子 深伏之景作木 驢攻城上投 石碎之景更作 尖項石不能破

攻戰互有勝負歡卒遺言囑其子澄曰侯景有飛揚跋扈 之志非汝所能御堪敵景者惟慕容紹宗景果以河南降 西魏未幾復附于梁梁封景為河南王景使至梁梁群臣 皆不欲納梁主亦自謂我國家如金甌無一傷缺恐納景 因以生事惟朱异力勸納之東魏遣慕容紹宗擊景景敗 南走襲梁壽春據之請命梁就以為南豫州牧既而東魏 求成於梁意欲得景景恨梁通東魏遂反於壽陽引兵南 渡圍建康梁主自即位以來江左久無事惟崇佛法屢捨 身佛寺上下化之及景逼臺城援兵至者為景所敗梁主 遣人與景盟以為大丞相臺城受圍五月而陷景入見引 就三公位梁主神色不變謂景曰卿在軍中久毋乃為勞

景不敢仰視流汗不能對景退謂人曰吾常跨鞍對陣矢 石交下了無怖心今見蕭公使人自懼豈非天威難犯吾 不可以復見此人梁主為景所制飲膳亦被裁損憂憤成 疾口苦索蜜不得再曰荷荷遂殂在位四十八年改元者 七曰天監普通大通中大同太清壽八十六 先是太子統仁明孝儉好學有文在東宮三十年而終梁 主舍嫡孫而立別子至是即位是為太宗簡文皇帝賢炬 帝孫京兆王倫子也 幾如字景使之使去聲甌椀小者曰 甌音異南豫州牧時以壽春為南豫州為景之為去聲 下同敗音拜見音現母無同懼之涉切懼也荷荷答蹄去 聲猶云呵呵責怒聲中大通三年号中大同同舍音捨

簡文皇帝名綱在東宮十八年而後遇侯景之亂既立受 制於景而已湘東王繹鎮江陵自稱假黃鉞大都督中外



齊東魏通帝位

西魏立蕭梁為帝西魏立梁為帝

侃作雉尾炬灌以膏蠟叢檣焚之侃子鷟為景所獲執以示侃侃曰我傾宗報主猶恨不足豈計一子幸早殺之數日復持來引弓射之景以其忠義亦不之殺景起土山城中亦築山應之晝夜交戰會大兩城內山崩賊乘之垂入羊侃擲火為城以斷其路徐於內築城賊不能進十一月梁將軍羊侃卒

諸軍承制岳陽主督昭明太子統之第三子也鎮襄陽與繹相攻督遣使降于西魏以求援綱武帝第三子承制讀太子諱曰昭○東魏大將軍渤海王澄先是為其下所殺明使去聲○西魏立梁蕭譽為梁主○西魏主寶炬歿謚曰文皇帝太子欽立○侯景自立為漢王廢梁主弒之尸位不及三年改元者一曰太寶景立豫章王棟己而篡位先是始興太守陳霸先起兵討景湘東王遣王僧辨討景景篡數月而為僧辨霸先所敗亡走吳欲入海為其下所斬送尸建康傳首江陵截其手足送於北齊湘

突厥始大西魏宇文泰廢代梁

東主立是為元皇帝尸位尸如祭祀之尸謂梁帝雖居其位而不為其事猶尸主也棟昭明太子長孫始興郡屬廣東今韶州府為僧之為去聲下同敗音拜走音奏其下羊鴉傳首江陵時湘東王鎮此傳音專去聲送於北齊以景初叛東魏而北齊受東魏禪也

元皇帝名繹一目眇性殘忍即位于江陵自侯景之亂州郡大半入西魏蜀亦為魏有梁自巴陵以下至建康以長江為限眇音眇說文云一目小也為魏之○突厥攻柔然北齊擊突厥遷柔然長時柔然衰突厥始強大突厥古匈奴奴北部○西魏宇文泰廢其主欽而立其弟廓欽遇弒廓文帝第四子○西魏遣柱國于謹伐梁入江陵梁主焚古今圖書十四萬卷歎曰文武之道今夜盡矣乃出降或問何意焚書曰讀書萬卷猶有今日尋被殺在位三年改元者一曰承聖柱國

南北朝梁元帝



後梁 西魏 臣于

西魏 以字 文覺 為周 公

西魏 禮周 禮

梁陳 梁先 對陳 王

通鑑泰能駕馭  
英雄得其力用  
性好質素不尚  
虛飾明達政事  
崇儒好古凡所  
施設皆依倣三  
代而為之  
宇文護弑周天  
王

官名輔弼之臣國之棟梁故曰柱國

○西魏取襄陽後梁主登于江陵使稱

帝屯兵守之是為後梁臣于西魏王僧辨陳霸先奉晉安

王稱制于建康貞陽侯淵明先是為北齊所獲至是以兵

納之王僧辨奉歸建康稱帝陳霸先殺僧辨廢淵明立晉

安王是為敬皇帝淵明梁宗室子南史作蕭淵明為北之為去聲

敬皇帝名方智元帝子也年十三即位陳霸先為丞相○

西魏太師大冢宰安定公宇文泰卒世子覺嗣年十五宇

文護輔之未幾以覺為周公護覺後兄○西魏主廓禪于

周廓遇弑後謚曰恭皇帝西魏建國四世二十四年而亡

覺稱周天子性剛果惡護之專護弑之後謚曰孝閔皇帝

立泰之長子毓周世號後周惡音鳥去聲毓音育○梁丞相陳霸先為相

進爵 為王

陳霸先弑梁主

國封陳公加九錫尋進爵為王梁主改元者二曰紹泰曰  
太平尸位未三年而禪于陳尋遇弑梁自高祖武帝至是  
四世凡五十六年而亡

陳漢陳寔之後

陳高祖武皇帝姓陳名霸先吳興人也梁武帝大同中為

廣州參軍廣有亂討平之以功為將軍尋為交州司馬西

江都護高要太守督七郡諸軍屢平叛亂侯景陷臺城霸

先時守始興結郡中豪傑起兵討景先取江州為州刺史

引兵會諸軍卒以平景遂為將相於梁以至受禪即位三

年殂改元者一曰永安子二人昌瑒皆以江陵陷時沒入

長安臨川主立是為世祖文皇帝吳興郡屬江浙今湖州府高要郡屬廣東今肇

武帝紀陳主臨  
戎制勝英謀獨  
運而為政務崇  
寬簡非軍放急  
務不輕調羨性  
儉素後宮無金  
翠之飾



慶府七郡名目未詳  
卒音遵入聲沒籍沒

文皇帝名椿武帝之兄子也在武帝平梁亂時已有功至

是即位舊音千去聲○周主毓稱帝○北齊主洋盡滅元

氏之族洋殂謚曰文宣皇帝元魏姓○北齊主毓太子殷立○周宇文護

憚周帝明敏有識量進毒弒之謚曰明皇帝毓弟邕立○

北齊文宣帝之母弟常山王演廢其主殷而自立尋弒殷

演立一年而殂謚曰孝昭皇帝母弟長廣王湛又廢演子

百年而自立後殺百年各也○後梁主詒殂太子歸立音歸

窺○北齊主湛傳位於太子緯自稱太上皇帝○陳王起

自難難知民疾苦性明察儉勤在位八年殂改元者二曰

天嘉曰天康太子立是為廢帝臨海王天嘉即位二十一年改元臨海郡屬浙東

周王

周宇文護弒主

周帝

今台  
州府

廢帝臨海王名伯宗在位三年改元者一曰光大為安成

王頊所廢光大即位二年改元光大古光字為去聲○北齊

上皇湛殂謚曰武成皇帝○陳安成王自立是為高宗宣

皇帝

宣皇帝名頊初陷入長安文帝時周人送頊還陳至是即

位○周王邕誅宇文護始親政○北齊後主緯多嬖寵政

亂周伐齊入鄴執緯殺之夷其族北齊建國五世三十

年而亡五當作六通鑿注北齊祚修六主謂文宣帝洋廢

亡案紀年北齊起自庚午終○周主邕深沉有遠識政事

嚴明稱為賢王滅齊一年而殂壽三十六謚曰武皇帝太

周誅  
宇文  
護

通鑑左右十二  
軍總為相府皆  
受晉公護處分  
凡所徵發非護  
書不行又云周  
主深自晦匿無  
所關預人不測  
其深深又云帝  
每於禁中見護  
常行家人禮太  
后賜護坐帝字  
侍於旁丙辰護

南北陳文帝 廢帝 宣帝



楊堅  
自為  
隋王  
周主  
神位  
于隋

起臨  
春結  
綺望  
仙閣

自同川還長安帝御文安殿見之因引護入令仁殿謂太右且詔之曰太右春秋高頗好飲酒雖屢諫未蒙準納凡今入朝更啓請因出懷中酒誥授之曰以此諫太右護既入如帝所戒讀酒誥未畢帝以手珽自後擊之護踣於地帝令宦者何泉以御刀斫之泉惶懼斫不能傷衛公直匿於戶內躍出斬之

子贊立立皇后楊氏后父隋公楊堅用事為上柱國大司馬贊自為太子時好昵近小人立末二年傳位於子闡自稱天元皇帝驕侈彌甚末二年而殂謚曰宣皇帝楊堅自為大丞相進相國隋主加九錫未幾周主閻禪位於隋尋被弒隋主盡滅宇文氏之族周自稱帝至是五世二十五年而亡贊於倫切關音徹上聲幾如字○陳主在位十四年改元者一日大建殂太子立是為後主長城公煬公煬音漾後主長城煬公名叔寶自為太子與詹事江總為長夜之飲即位未幾起臨春結綺望仙閣各高數十丈連延數十間皆以沉香為之金玉珠翠為之飾珠簾寶帳服玩瑰麗近古未有其下積石為山引水為池雜植花卉陳主居臨

隋師  
伐陳

西宗已

南北陳後主

三

春閣貴妃張麗華居結綺薰孔二貴嬪居望仙複道往來江總為宰輔不親政事日與孔範等文士侍宴後庭謂之狎客使諸貴嬪與客唱和其曲有玉樹後庭花等君臣酣歌自夕達旦宦官近習內外連結宗戚縱橫貨賂公行孔範與貴嬪結為兄弟範自謂文武才能舉朝莫及將帥微有過失即奪兵權由是文武解躰以至覆滅詹事官掌肅字沈檀沉香檀香瑰音傀平聲美也卉音輝上聲草摠名貴妃貴嬪皆婦官名嬪音頻和去聲縱橫通鑿註云放縱而恣橫也解躰言乖離也○後梁主歸殂太子琮立隋主廢而滅之自譽稱帝於江陵臣於西魏周隋所統數郡而已凡三十二年而亡稱帝凡九世○隋以晉王廣為元帥帥師伐陳楊素韓擒虎賀若弼分道而出高穎為元帥長史問薛道衡江東



綱目。隋主命大  
作戰。船人請密  
之。隋主曰。吾將  
顯行。天誅何密  
之有。使投其柁  
於江。曰。彼若懼  
而能改。吾復何  
求。甲子。隋以晉  
王廣。清河公。揚  
素。與韓擒虎。賀  
若弼。率兵五十  
一萬。旌旗舟楫  
橫亘數千里。

陳帝  
授并

可克乎。對曰。克之。郭璞言。江東分王三百年。與中國合。此  
數將。周陳主聞有隋兵。謂近臣曰。王氣在此。彼何為者。孔  
範曰。長江天塹。豈能飛渡。臣每患官卑。虜若渡江。定作大  
尉公矣。陳主以為然。奏伎縱酒賦詩。不輟。賀若弼自廣漢  
濟江。韓擒虎自橫江。宵濟采石。守者皆醉。擒虎遂自新林  
進。直入朱雀門。陳主自投景陽井中。軍人窺井。將下石。乃  
叫以繩引之。與張麗華。孔貴嬪同束而上。俘以歸。後主在  
位七年。改元者二。曰至德。曰禎明。陳自高祖武帝至。是五  
世。凡二十二年而亡。廣隋文帝第一子。帥師之帥。音率。賀  
若弼。覆姓。若音惹。王去聲。下同。將音漿。  
下同。伎。与妓通。女樂也。橫江。采石對岸。采石。山在太平。新  
林。浦在建康。上。上聲。俘。音爭。軍所獲曰俘。○司馬溫公曰。  
武帝與王僧辯。同事。梁室誅夷。侯景乘時伺隙。以詐力取  
國。然率羸弊之衆。當強齊乘勝之勢。卒成大功。奄有江南。

晉音淵。亦書。故  
昨子。枯陷。并枯  
無水。亦謂之智  
井。

斯亦難矣。文帝恭勤政事。是為良主。孝宣乘齊之衰。而營  
士逢周之興。而喪師。豈非不恃內而恃外邪。以陳國區區。  
不能居天下五分之二。粟粟危懼。不能保其社稷。  
况後主荒淫無度。以蕪之。納身智井。亦宜乎。

隋

隋高祖文皇帝。姓楊氏。名堅。弘農人也。相傳為東漢太尉  
震之後。父忠仕魏。及周。以功封隋公。堅襲爵。堅生而有異。  
宅旁有尼寺。一尼抱歸。自鞠之。一日。尼出。付其母。自抱角  
出。鱗起。母大驚。墜之地。尼心動。亟還見之。曰。驚我兒。致令  
晚得天下。及長。相表奇異。周人嘗告武帝。普六茹堅有友。  
相堅。聞之。深自晦匿。女為周宣帝后。周靜帝立。堅以太后  
父秉政。遂移周祚。即位九年。平陳。天下為一。開皇二十年。  
廢太子勇為庶人。初帝使勇參決政事。時有損益。勇性寬

廢太子  
為一  
天下



晉字通也  
佐也  
也

王通  
獻策

按文中子述東  
篇董常曰子之  
十二策奚稟也  
子曰有天道焉  
有地道焉有不  
道焉此其稟也  
注策今亡

○茹音如

厚率意無矯飾帝性節儉勇服用侈恩寵始衰勇多內寵

妃無寵死而多廢子獨孤皇后深惡之晉王廣弼自矯飾

為奪嫡計后贊帝廢勇而立廣為太子震之後世孫曰孕孕生渠

渠生銓銓生元壽元壽生惠假假生烈烈生禎禎生忠

乃帝父也有異紫氣充庭有文在手曰異尼女僧曰尼鞠

養也相去聲下同周人王軌普六茹三字姓本姓龍門

王通詰闕獻太平十二策帝不能用罷歸教授於河汾之

間弟子自遠至者甚衆龍門縣屬河中即夏陽也王通王

二策條目未詳汾音墳水出太原府晉陽山西南入河○仁壽四年帝不豫召太子

入居殿中太子預擬帝不諱後事為書問僕射楊素得報

宮人誤送帝所帝覽之大恚帝所寵陳夫人出更衣為太

子所逼拒之得免帝怪其神色有異問故夫人泫然曰太

子無禮帝恚抵床曰畜生何足付大事獨孤誤我將召故

太子勇廣聞之令右庶子張衡入侍疾因弒帝遣人縊殺

勇帝性嚴重勤於政事令行禁止雖畜於財賞功不吝愛

養百姓勸課農桑輕徭薄賦自奉儉薄天下化之受禪之

初民戶不滿四百萬末年踰八百萬然自以詐力得天下

猜忌苛察信受讒言功臣故舊無終始保全者在位二十

四年改元者二曰開皇仁壽太子立是為煬皇帝不諱後

之事更音庚為太一之為去聲泫然流涕負泫音玄上聲抵

音紙將音漿右庶子東官官名有左右中三等音色怏

惜音采平聲疑也煬皇帝名廣開皇末立為太子是日天下地震即位首營

洛陽顯仁宮誅江嶺奇材異石又求海內嘉木異草珍禽

高祖絕初高祖  
與獨孤后甚相  
愛重誓無異生  
之子嘗謂群臣  
曰前世天子溺  
於嬖倖嫡庶分  
爭或至凶國朕  
旁無姬侍五子  
同母可謂真兒  
弟也豈有此憂  
耶又懲周室諸  
子分據木鎮及  
其晚節迭相猜  
忌五子皆不以  
壽終

楊廣弒父兄自  
立

仁宮  
地天  
下



開通濟渠

造龍舟

作清夜遊

茂巨險切雞頭爾雅翼葉如荷而大葉上慶歟如沸有芒刺兼有紫若鷄雁之頭又名雁鵝

奇獸以實苑囿又開通濟渠自長安西苑引穀洛水達于河引河入汴引汴入泗以達于淮又發民開邦溝入江旁築御道樹以柳自長安至江都置離宮四十餘所遣人往江南造龍舟及雜船數萬艘以備遊幸之用西苑周二百里其內為海周十餘里為蓬萊方丈瀛州諸山高百餘尺臺觀宮殿羅絡山上海北有渠縈紆注海緣渠作十六院門皆臨渠窮極華麗官樹凋落剪綠為花葉綴之沼內亦剪綠為荷芰菱芡色渝則易新者好以月夜從宮女數千騎遊西苑作清夜遊曲馬上奏之江嶺通鑿大江以南五嶺以北師古曰嶺者西自衡山之南窮于海一山之限耳標名則有五焉大慶始安臨賀桂陽揭陽也汴音卞水出延州陽城縣浪蕩渠至下邳會泗水入淮邠音寒水在廣陵江都縣屬揚州離宮往來遊幸曰離宮觀音貫樓觀釋名曰觀者於上觀望也

帝擊高麗

煬帝紀丁卯大業三年八月車駕蒞榆林歷雲中沂金河時天下承平百物豐實甲士五十餘萬馬十萬匹旌旗輜重千里不絕突厥啓民可汗奉廬帳以俟車駕帝幸其帳

紆音迂芰音奇去聲菱別名芡音欠雞頭也渝音俞變也易音亦後去聲 ○後又開永濟渠引沁水南達于河北通涿郡又營汾陽宮又穿江南河自京口至餘杭八百里沁音浸去聲水出沁州歷晉絳澤三州南入于河汾陽宮在汾州北餘杭縣屬州 ○置洛口倉於鞏東南原上城周二十餘里穿三千窖置興洛倉於洛陽北城周十里穿三百窖窖皆容八千石帝或如洛陽或如江都或北巡至榆林金河或如五原巡長城或巡河右營造巡遊無虛歲鞏音拱縣屬河南石斗十為石榆林縣屬雲中 金河縣屬雲州 徵天下鷹師至者萬餘人徵天下散樂諸蕃來朝陳百戲於端門執絲竹者萬八千人終月而罷費巨萬歲以為常散音傘蕃音翻夷狄曰蕃端門君之正門曰端門絲竹絃曰絲管曰竹巨鉅同 ○徵高麗王入朝不至大業七年帝自將擊高麗徵天下兵會涿郡



啓民奉觴上壽  
帝大悅賦詩曰  
呼韓暫額至屠  
者接踵來何如  
漢天子空上早  
于臺賜各有差  
須資也用也

北史鄴道元字  
善長好學歷覽  
奇書撰注水經  
四十卷

楊玄

德兵

救河南淮南江南造戎車五萬乘供載衣甲等發河南河  
北民夫供軍須江淮以南民夫舩運黎陽及洛口諸倉米  
舩艦千里往還常數十萬人晝夜不絕死者相枕天下騷  
動百姓窮困始相聚為盜乘去聲軍須供給軍中既須黎陽縣屬濟州舩艦音逐盧舩後  
曰舩舟前曰漳南甯建德兵起漳水名案書傳其源有  
谷名為清漳一出上黨長子縣鹿谷山名為濁漳鄴帝  
道元謂之衡水東至鄴合清漳東北至阜城入河  
所徵四方兵皆集涿郡一百一十三萬餽運者倍之首尾  
亘千餘里帝至遼東攻城不克諸軍大敗而還明年再徵  
兵自將擊之且古鄧切竟也○楚公楊玄感見朝政日紊潛謀作  
亂至是督運黎陽遂反帝引軍還遣將擊之玄感自洛陽  
引兵趨潼關兵敗走死帝又如涿郡伐高麗高麗遣使請

李密

揚素初封越國  
公後改徙楚

林士

綱目質實蒲山  
縣名未詳處  
唯嘉興府平湖  
縣東南三十里  
有蒲山瀕於海  
邊未知是否

李密

西京已

降帝還長安己而如洛陽如汾陽如江都巡遊仍無虛歲  
紊音問○蒲山公李密兵起密少有才畧志氣雄遠輕財  
乱也好士嘗乘黃牛以漢書掛牛角讀之楚公楊素遇而奇之  
由是與素子玄感游初從玄感起兵玄感敗密變姓名亡  
匿時人皆云楊氏將滅李氏將興又有民謠歌曰桃李子  
皇后走揚州宛轉花園裏勿浪語誰道許謂桃李子者逃  
亡李氏子也莫浪語誰道許者密也密遂與群盜翟讓等  
起攻滎陽下之建牙統所部西行說下諸城大獲蒲山未詳所在  
乘如字將○鄴陽賊帥林士弘稱楚帝據江南鄴音婆縣屬饒州  
音漿下同○杜伏威據歷陽○竇建德稱長樂主○馬邑校尉劉武  
周朔方即將梁師都各據郡起兵○李密據興洛倉畧取







立齋先生標題解註音釋十八史略卷之四



